

《中國地方藝文薈萃》編委會 編

中國地方藝文薈萃

學苑出版社

李永春·第五輯 伍

華東卷·第五輯

伍

中國地方藝文薈萃

《中國地方藝文薈萃》編委會 編

貴州師範學院內部使用



梁溪詩鈔五十八卷（五）

貴州师范学院内部使用

梁溪詩鈔五十八卷（五）

（清）顧光旭輯

據清嘉慶元年（一七九六）雙橋草堂刻本影印

梁溪詩鈔目錄卷之二十二

國朝

康熙四

嚴宮允繩孫 二十四首

劉廣文雷恒 一首

劉秀才霖恒 一首

陳秀才睿聲 三十首

華秀才長發 十三首

安秀才璿 十一首

鮑州佐景宣 八首

蔣秀才遵路 三首

陳布衣大成 七首

鄒贈公顯吉 十一首

鄒贈公卿森 八首

鄒上舍北山 一首

鄒處士本荃 四首

鄒上舍顯臣 二首

鄒上舍顯文 一首

施秀才國琮 一首

華太守黃 二首

侯吏部麟勳 一首

周錢塘宜振 二首 以上共十九人

梁溪詩鈔卷二十一

梁溪顧光旭華陽氏集

國朝

巖宮允繩孫

字蓀友號藕漁明兵部侍郎一鵬之孫已  
未召試博學鴻詞授檢討轉右中允乞歸  
餘十年卒於家中允性恬靜不慕榮利年  
五十餘旅食京師其書詩畫並極雋妙至  
以布衣名動公卿上蒙帝鑒廷試  
鴻博時僅成省耕詩一首不得進呈

帝親閱卷亟命取進曰史局不可無此人

諸臣獨不聞唐祖詠南山陰嶺秀二十字

入選乎他日 召見從容垂問曰朕知

汝能寫真繩孫辭尋轉中允其紀 恩

一詞云

烟月滿漁村一道飛書下九關

聖主臨軒初試日逡巡白髮青

衫拜

至尊

隱矣又焉文歸去空留

土木身何意

片詞親檢自

楓宸九死

從今總負恩

調南鄉子

邑志文苑傳云中允冲襟雅

量潏然不可滓同邑陸楣擬之隱淪獨行

謂與雲林先生異世同心崑山葉方藹又

日雖以元鎮方之猶疑其未能及也所著

秋水集梓行已久晚加芟定益以近著併  
史傳擬橐若干卷雜文若干卷都爲一集

陸桴序之

挂劍篇

延陵昔日佳公子寶劍橫秋向千里北來奉使過  
徐君鮫函麗綬芙蓉紋若邪水深赤堇合後之干  
莫徒紛紛徐君欲之不敢語公子由來意相許祇  
謂提携上國行誰知一別還如雨歸來撫劍空歎  
息宿艸離離土花碧星鐔玉珥懸松楸意氣寧爲  
死生易吁嗟公子義至高我歌挂劍風蕭蕭塵埃

步瀛詩金 卷二十一  
三尺狗知己今人棄此如鴻毛翟公賓客聚還散  
人間萬事須臾變一顧方銜國士恩九疑已隔平  
生面感此悠悠復何道黃公壚前滿秋艸愧爾高  
陽舊酒徒龍吟一夜霜華老

漂母祠

漂母昔進食識此天下奇男兒感知已本自窮愁  
時淮水東南流悠悠不知期一飯久蕭索秋風生  
釣絲

燕臺雜詩

烏啼何處不勝秋終古桑乾入塞流故內金盤還

衛霍諸陵玉盃自松楸頻來寶地龍宮闕歛聽神  
臯鳳蹕遊遮莫山川無恙在不須鸚鵡話從頭  
當歌莫負酒如澠榮頰悠悠豈足憑牽犬幾經悲  
上蔡種瓜誰不笑東陵塵消碣石三更雪風落交  
河九月冰試問夜寒華上苑寒生苜蓿花千里素書憑  
曾看直北是京華上苑寒生苜蓿花千里素書憑  
朔鴈九門刀斗雜宮鴉珠官瘴海唐蒙節玉帳秋  
風蔡女笳莫把茱萸高處望踈烟淡日正無涯  
山毳蒙茸醉叵羅耻隨肥馬狎鳴珂千門樹色驚  
心隕一夜蘆花點鬢多燕筑人誰知隱約齊竽吾

亦謝蹉跎他時歸臥烏皮几悵望浮雲奈爾何

曉登虞山觀日出

江南諸山虞山好欲往登之苦不早秦子攜我六月來二十四聲蓮漏曉遊人上山猶秉炬上方月照青楓樹山鬼潛啼薜荔風雲根半濕滄溟霧薄寒蕭蕭宿酒醒置我望海之高亭亭外何所有八荒一氣青冥冥須臾海圖雲錦圻碎擲珊瑚蕩晴碧燭陰吹炯燔長空翻起咸池勢瀟澹中含日車何躡躡細柳扶桑幾朝夕祖龍長橋不可成萬里空鞭石流血吾聞岱宗日觀稱絕竒豈與此地同

出沒人生萬事更何有海水悠悠自今昔不見神  
山徐市船安知別島田橫客表獨立兮雲容容山  
寺門開聞曙鐘下山始見上山路青壁丹霞重復  
重

杭州雜感

宋家宮殿俯金牛狼籍山花雨不收北狩以還猶  
半壁南音從此雜中州空傳方響呼鸚鵡無復冬  
青識故邱指點鳳凰山上路不堪蕭瑟起邊愁  
紛華何處說先朝明聖湖頭樂事饒直指封章陳  
水利長楸臺榭上雲霄旋移帆影無窮柳不記簫

聲第幾橋往事杜鵑啼不盡淚痕添與浙江潮

湖上竹枝詞

白頭漁父見承平吹笛孤山舴艋輕見說天家錢  
又趙惱人湖水不分明

堤邊開口水如羅月滿風生相應歌願得歡情似  
湖水更無時少更無多

爲黃漢臣題所藏顧子方書蹟卷

顧子耿介士夙昔見嶮岈豈惟異風骨不肯同衣  
冠抵掌論當世奮袂起長歎分別涇渭流心事如  
驚湍皇路一蕩覆所爲良獨難天風吹輓歌碧血

川原丹摧謝理一致達人辨蕭蘭壯心未試時日  
夕弄柔翰金石委坐隅逸思發流紈振穎旣游龍  
斂筆亦停鸞官奴草書後法不逮貞觀旭素與過  
庭各自開波瀾顧子學書譜妍步非邯鄲今觀屈  
強意孫實慚冰寒故人黃夫子投分同鷄壇至今  
藏舊蹟寶若金琅玕示我一卷書無乃墨未乾其  
前列詩歌慷慨念無端歌時筑聲苦歌竟壺口殘  
其後綴短牘豁達披肺肝懷袖二紀餘如聞勸加  
餐世路多諱忌今人好譏彈獨有吾友心相守如  
任安勿言數行墨仿佛平生權緹封護風雨一一

蛟螭蟠余愁腕力弱空得幾回看

山中曉歸

先輩云吳伯成制府宰吾錫時與秦嚴諸公詩酒留連往往清談達旦

文翁多暇謂伯成也一時宏獎風流數君子優游林下後起之士蔚然興焉

使君遲日愛林泉碁局詩筒事事便山暗高樓聽

急雨月明柔櫓下清川戎戎岸柳連江市隱隱城

烏起曙天自是文翁多暇日不關河朔勝情偏

寄顧梁汾次見懷原韵

瞳瞳曉日鳳城開纔是仙郎下直回絳蠟未消封

詔罷滿身清露落宮槐

南歸口號